

MAC-TALLA.

"An ni nach cluinn mi an diugh cha'n aithris mi maireach."

VOL. I.

SIDNI, C. B., DI-SATHAIRNE, APRIL 1, 1893.

No. 45.

SIOSAL & CROWE,

Fir-Tagraidh, Comharlichean
Notairean, &c.

SIDNI, C. B.

CAILEAN SIOSAL.

W. CROWE.

ARCHIBALD & CO.,

CEANNICHEAN.

Sealbhadairean Meinean Guail
Ghowrie

Murray & Mac Coinnich,

Comharlaichean, Fir-tagraidh,
&c.,

SIDNI TUATH, C. B.

G. H. MURRAY.

D. D. MAC COINNICH.

HEARN & HEARN,

Fir-Tagraidh, Notairean,
&c., &c.,

SIDNI & ARCHAT.

G. H. HEARN.

D. A. HEARN.

D. A. Mac Fhionghain,

Fear-Tagraidh, Comhairliche,
Notair, Etc.

Baile - Sheorais, Eilean
Phrionns' Iomhair.

Mac Gillios & Mac Eachuin,

Comhairlichean agus Fir-Tag-
raidh aig Lagh,

Sidni & St. Peter's, C. B.

Joseph A. Mac Gillios. A. J. G. Mac Eachuin.

NAIDHEACHDAN NA SEACHDAINN.

Tha'n deigh mhor a stigh aig Sidni-a-Tuath agus bho'n a thanig i tha na seal-gairean a marbhadh nan tumagan-fadh-ich gu pailt. Bidh fuachd gu leor aginn san aite so fhad sa bhios an deigh mhor nar coimhearsnachd.

Thuit fear Michael Dolan Marbh an tigh na parlamaid feasgar na sabaid s'a chaidh. Bha e na fear-faire 'san tigh agus bha e dol air a chuairt ghnathichte nuair a bhual am bas e. Bha e mu thri fichead bliadhna dh'aois.

Chaidh bean do'm b'ainm Mrs. St. John a mharbhadh am Montreal feasgar Diciadinn le each us carbad a ruith thairis oirre. Bha i coiseachd na sraide maille ri fear posda nuair a thanig an t-each oirre se air a chruinn-leum, a teicheadh le carbad, agus a ruith e thairis oirre 'ga milleadh gu dona agus ga marbhadh air a bhad.

'Se maireach Di-domhnich-na-Casga, Thanig e gu math trath air a bhliadhna so, cha b'urrinn dha 'gihinn ach aon seachdain na bu traithe. Tha pios math dhe'n earrach romhinu fhathast, agus ma bheir sinn geill do'n t-sean-fhacal a tha fagail air an earrach fhad' an deigh Casga "gu'm fasich e na saibhlean," bhicheamid coma ged a thigeadh a chaisg beagan na b'annoiche.

Feasgar Di-haoine air an t-seachdain s'a chaidh, dh'fhalbh Mr. Wallace Steeves tuathanach a mhuinntir Coverdale, N. B. do'n choillea dh'iarridh barr spruis air son deoch a dheanamh. Cha tanig e dhachidh an oidhche sin ach cha do smaoinich iad san aig an tigh gu robh dad cearr ach gu'n deachidh e beagan air chall agus gum biodh e dhachidh trath 'sa mhadinn. Thanig a mhadinn co-dhiu gun e 'gihinn agus chaidh aireamh dhaoine mach ga shireadh. An deigh dhaibh siubhal mor a deanamh, fhuair iad an duine bochd marbh aig bun craoibhe. Air reir coltais thuit l a barr ua craoibhe far an robh e gearradh gheug agus bha e air a ghrad mharbhadh. Dh'fhag e bean us dithis chloinne; dh'eug dithis mhac dha deireadh an fhoghair leis an arbhich-ghoirt. Bha e da fhichead bliadhna sa seachd a dh'aois.

Sen diugh "latha nan-amadan." Thoir an aire nach toir aon sann bith an ca asad! Na m feuchadh gach aon ri 'bhi che glic 's bu ehoir dha bhi an aite bhi feuch-inn ri amadain a dheanamh de mhuinntir eile, cha b'fhada bhiodh feum aginn air an latha so idir.

Cha do sguir fir nan each luath' de chur reisean fhathast. Tha'n deigh cho laidir sa bha i 'n teis meadhon a gheamhradh, agus tha gach duine aig am bheil each-reis a cuir roimhe an latha math a ghabhail fhad sa gheibhear e. Bha reis air a cur aig Sidni-a-Tuath an la roimhe eadar each le Mr. Logan sa bhaile sin us each le Mr. MacCoinnich 'san Eilean Mhor. Bhuinig each 'Ic Coinnich an reis.

Bha droch teine aig meinn Bridgeport Dior-daoine. Thoisich e am sa cheardich agus loisg e a chuid bu mo de na togalichean mu bheul na meine, a deanamh call mor. Bha na gualadair an sa mh' in aig an am ach fhuaras an toirt a nios gun dhochann sam bith a dheanamh orra. B'fheudar dhaibh na h-eich fhagail shios ach gu fortanach fhuair iad an teine chosg mu'n deachidh e fad gu leor air adhart gu cron sam bith a dheanamh air duine no beathach. Chan eil fhios cia mar a thoisich an teine. Cha d'rinn a mheinn ach toiseachadh o chionn da sheachdain, agus cumidh so i air ais a chuid a's mo de'n t-samhradh a thuilleadh air a'r arbh mhor dhe na meinneadaircan a chumail nan tamb.

Tha fios a Victoria, B. C., ag innse dhuinn gun deachidh fear Donnachadh Mac-Leoid a thoirt a stigh do'n bhaile sin a Stevetson toiseach a mhiosa s'a chaidh, 'se tinn leis a bhric. Bha fionn d'roch mheur dhe'n enslaint sin air ach bha choltas air gun d'fhigeadh e uaithe fad seachdain an deigh dha a bhi air a thoirt do'n ospidail, ach an uair sin thoisich e air a dhol na bu mhiosa agus air an treas latha deug dh'eug e. Bhuinneadh e do'n Eilean Mhor agus bha e da bhliadhna dheug thar fhichead a dh'aois. Bha e 'an Columbia B'reatunnach o chionn ceithir bliadhna, agus bha moran chairdean aige san duthich sin a bha uile ro mheasail air, agus a thaisbean am meas a bh'aca air le cruinneachadh an ceann a cheile nuair a thanig am bas air, ges a chui fe'n fhod.

MAC-TALLA.

Tha Mac-Talla air a chur a mach a h-uile
Di-Sathairne, aig Sidni, C. B.

A PHRIS BHLIADENAIL:

Ma phaignear air a shon toiseach na bliadhna, \$0.50
An ceann shia mìosan 0.75
An ceann na bliadhna 1.00

Neach sam bith a chuireas thuginn sia ainm-
ean us trì dolair, gheibh e bliadhna dhe'n
Mhac-Talla 'nasgidh.

'Se Mac-Talla 'n aon phaipear Galig 'an Am-
erica, agus bu choir--do na Gaidhil an uile
dhìocholl a dheanamh air a chumail suas.

J. G. McKINNON,
Mac-Talla,
Sydney, C. B.

SIDNI, DISATHAIRNE, APRIL 1, 1892.

Tha aireamh no dha a dhith oirnn dhe'n
MHAC-TALLA a' tharig a mach air Feb. 18mh
la. Duine sam bith aig am bheil an
aireamh sin 's nach eil air son a ghliedh-
eadh cuireadh e thuginn e agus bidh sinn
fada na chomain.

Tha bruidhinn ac' aon uair eile air an
rathad iarinn a thogail gu Louisburg. Air
an turus se tha e gu toiseachadh aig Port
Hawkesbury agus dol a chumail taobh
deas an eilean gus an ruig e seann bhaile
nam Frangach; leis a chursa sin a ghabh-
ail cha bhi e thar trì fichead mìle sa deich
a dh'fhad, agus ceanglaidh e ar baile-
puirt geamhradh ri America gu leir. Tha
iad san a tha gabhail na h-obair as laimh
ag radh gu bheil iad a dol a thoiseachadh
air gun dail. Ma bhios rathad-iarinn aon
uair air a thoirt gu Louisburg 'se ar
barail fhein gum fas e gu bhi na bhaile
mor am beagan bhliadhnichean. Bha 'n
rathad air a ghealltinn cho tric san am a
dh'fhalbh, s gu bheil sinn car coma mu
b'ir gheur gus an sgeul ur so chraic sinn.
ach ma bhios sinn beo, chi sinn.

Bha Humbert, righ na h-Eadailt, a
gabhail na sraide ann sa Roinn feasgar
Di-sathairne sa chaidh, nuair a thilg duine
da'n ainm Berardi clach air. Rinn na
maoir greim air gun dail, thug iad leo e,
agus fhuaradh gu robh e air a dhol as a
cheill. Be'n leisgeal a ghabh e air son
ionnsaidh a thoirt air beatha 'n righ, gu
robh fuath aige dha a chionn gu robh e
na namhaid do'n phap.

Tha E. MacCoinnich, Oil Springs, Ont.,
a sgrìobhadh:—Dh'fheuch mise K. D. C.
agus chan eil mi coltach ris. Bha mi gle
dhosa le droch stamaig agus dh'fheuch mi
gach leigheas a bha ri shaotinn, agus gu
dearbh nuair a thoisich mi air gabhail K.
D. C. chuir e rioghadh vor orm cho
math sa bha e. Cho luath sa thoisich mi
air chaidh mi na b' fhean agus an uin
gheirid bha mi air mo ian leigheas.

ORAN.

A RINN DUINE ARAID AN AM TRIOLAID.

'S trom an luchd 'tha mi giulan air m'
inntinn;

Dh'fhag e 'm aigneadh air chinnt ann an
cas;

'S mi bhi 'smaointinn bho chionn cor agus
bliadhna.

Gur a mo tha mi crionadh na 'fas.

Righ phriseil mar dean Thu ruim foirinn,

Tha mi 'm prìosan aig dorinn an sas;

'S tric m' easlaint ag innseadh le deifir

Gur fear-binn' air mo 'bheatha-sa 'm bas.

Is am bas ged a chidhinn e 'tighinn,

Cha'n-fheil beo neach a chidheadh mo
dhe ir;

On a chaill mi gach solas a bh'agam,

'S nach fheil agam aon dad dhe mo threoir

Chaol bhanaich mo lamhan 's mo chasan,

'S air m' aisnean cha'n fheil dad dhe 'n
fheoil;

Chaille mi uile mo dhreach agus m' aogasg

'S gur tric m' aodann a caochladh a neoil.

'S tha'n saoghal so caochlaideach uile,

'S mairg aon 'chuireas bun as a ni;

Ann an anabharra saibhtis no spionnidh

O nach ullich iad so'na do'n chridh'

Fhad 's a bhidheas an t-slainte gun

fhaigninn,

'S beag m' aighear ri ni 'tha fo'n ghrein;

Och, och, cha'n fheil saoidh gum da latha

air,

'S mise 'dh'fhaodadh so raitinn rium fein.

Bha mìgreis ann am muirne le manran,

Fhad 's a bha mi ga m' arach 'm measg

Ghall;

Cha b'annas leam ceol no ol fiona,

Mar-ri armuinn neo-chrios gun bh gann

Cha robh aon ni ri 'fhaotinn dhomh

duilich

Air an faodadh mac duine bhi'n geall;

Ach 's fhaide 'n t-seachdain an diu leam

na bhadhna,

Slainte 's aighear air triall uam air chall.

'Sannair chall 'tha mo shlainte gu buileach

Agus mulad ga m' thathich dluth, buan;

On a chaill mi gach solas a bh'agam,

'S gur a leointe tha m' aigneadh fo

ghruain,

Nuair a shaoil leam 'bu teotha mo shamh-

radh

Bhuin dudhlachd a gheamtridh rium

cruaidh;

Ghrad thionndaidh an saoghal mar

fhaoleach,

'S rinn e dhomhsa gach caolas mar chuan.

'S ann mar luing ann an doruinn a tha mi,

'S fuaim brist' aic, ri garirich nan tonn;

Ann an socair no suidhe cha tamh dhomb

Ach mar uighean ga'n caramh air droll,

'Nuair 'bu tinne 'tigh'nn thugam a bhair-

linn,

Ga m' shior udal a gheath bharr mo

bhonn

'Righ phriseil mur gabh Thu fhein truas

riam,

Tha do lamh ann san uair orm gle throm.

BURDOCK

Riaghiltichidh e 'n stamag, an
gruan 's na h-airnean, glanidh e
'n fhuil 's bheir e air falbh a h-uile
neo fhallaineachd, bho ghuirean
gu tinneas an righ.

BLOOD

LEIGHSIDH E

DROCH STAMAG, DONLASACTID,
CEANGAL-CUIM, CEANN COIRT,
TEINE-DE, EASPA-EHAID,
LOGADH-BHAID, STAMAG GHEIR,
TUAINEAICH MEUD-BHEON,
LOINE, GALAIREAN CRAICINE.

BITTERS

Am bheil Piano, Organ no
Inneal-fuaigheal a dhith ort?

Cha'n eil inneal-ciuil ann an
Canada ni's fhearr na Pianos
agus Orgain "Khart." Fhuair
iad cliu mor aig Feill Halifax
an uiridh.

Agus 'se'n "Raymond" agus
an "New Williams" am da
Inneal-fhuaigheal a's fhearr a
tha ri'm faotainn air thalamb.

Airson tuilleadh fiosrachaidh
ruig, no sgrìobh gu

C. B. TRAVIS,
P. O. Box 68, Sydney, C. B.

LEUBH SO.

Tha mi reic Uidheaman-Giul-
ain dhe gach seorsa na's saoire
na gheibhear an aite sam bith
eile 'n Ceap Breatuinn. Bheir
mi dhuit Cairt-Rathaid air \$22.
Tha mi dol an urras air gach
Carbad a ni mi gu'm bi thu
riaraichte leis.

Ceannaich do Charbadan
'nad dhuthaich fhein, 'sna bi
cuir do chuid airgid air falbh,
gu h-araidh, 'nuair a gheibh
thu cho saor agus cho math aig
an tigh

D. W. Mac Fhionghain,
SIDNI TUATH, C. B.

GILLEASBUIG AOTROM.

A "Clarsach an Doirre"

Bha e 'na chleachdadh aig Gilleasbuig sgrìob a thoirt gu tìr-mor 'n uair a bhuaileadh e 'na cheann. Thachair dha bhi air latha Sabaid araidh ann an Gleann-seille, agus co dhiubh 's e spiorad math no droch spiorad a chuir 'na cheann dol do 'n eaglais chaidh e imnte. Ghabh e suas feadh na h-eaglais gus an d'rainig e staidhir na cubaid. Shuidh e aig bonn na staidhir gu socair stolda 's a bhata fodh uèhd. Shaoil leis a' mhinistir choir gur ann bodhar a bha Gilleasbuig, agus 's ann a ghabh e baigh mhor ris a' choigreach a shuidh gu diblidh cho faisg air an eisdeachd. Bha gnothaichean a' dol air aghaidh gu reidh riaghailteach car greiseig, gus an d' thainig coig no sea de chiobairean le 'n cuid chon a stigh. 'N uair a thachair na coin ri 'cheile thoisich iad air dranndan, agus bha na h-uile coltas air gu 'n robh an aimhreit gu bhi air bonn. Cha d' eisd Gilleasbuig an corr; ghabh e sìos 'n am measg le bhata, ach an aite sìth a chur orra, 's ann a chuir e h-uile eu 's an eaglais an claignn a cheile. Cho robh an ministir fada caochladh a bheachd air Gilleasbuig. "B' fhearr leam," ars' am ministir ris an luchd-dreuchd aige, "gu 'n cuireadh sibh an duine trùagh ud a mach as an eaglais." "Cha ruig iad a leas an dragh a chur orra fhein," ars' Gilleasbuig. "Tha mise fada gu leor an so, agus ma 's e ceol feadaireachd tha 'n pailteas an sud dhe do shearmon—moran 'g a radh 's beagan 'g a dheanamh; lath math leat, fhir mo chridhe." Ghabh Gilleasbuig a mach, agus chunnaic e each ban an ceangal ri cairt aig ceann na h-eaglais. Ch' fhaic Gilleasbuig gnìomh a b' iomchuidhe na 'n rop a bha 'n crochadh ri clag na h-eaglais a cheangal ri earball an eich bhain. Chaidh e 'n sin 'na shineadh ann an raoin arbhair a bha shìos fodh 'n eaglais gus am faiceadh e cìod a thachradh. Cha do chur an t-each ban car d'eth fhad 's a bha e 'factainn criomadh faisg air, ach 'n uair a theam e ceum no dha mach, bhuaile an clag buille, 's thug an t-each ban leum as; agus 'n uair a thuig e gur ann ris fhein a bha 'n gnothach an ceangal, chaidh e gu upaid, agus ma chaidh thoisich an clag. Cha robh buille a bhuaileadh e nach toireadh crith air an eaglais. Mu dheireadh thoisich an coithional air tighinn a mach, agus a h-uile neach a thigeadh a mach bha e fuireach a muigh, gus mu dheireadh an robh iad a muigh air fad agus am ministir air an ceann. Bha Gilleasbuig ag amhàire orra le subhachas, agus e lan riarichte leis a chodhunadh gus an d' thug e seirbheis an latha. Bhiodh Gilleasbuig air a chomhdach ann an trusgan math mar 'bu tric—ad ard, deise dhubh, agus leine gheal. Bha uailsean an Eilein 'ga chumail daonnan ann an aodach math. Bha e

mar sin ullamh air daoine do nach b' aithn' e a mhealladh, agus a thoirt orra 'chreidsinn gu 'n robh e rud nach robh e idir. Thainig e air lath' araidh gu tigh ann an oisinn iomalaich de 'n duthaich; bhuaile e aig an dorus, agus dh' eibh e "Co tha stigh?" "Cha 'n 'eil moran a stigh," ars' bean an taighe, "thigibh air bhur 'n aghaidh." "Am bheil duine stigh ach thu fhein?" ars' Gilleasbuig. "Tha," ars' ise, "tha Iain, fear an taighe stigh, ach tha e air an leabaidh." "Cìod e tha 'cur air?" ars' Gilleasbuig. "Ma ta," ars' ise, "cha 'n 'eil mi fhin ro chinnteach, ach tha e air an leabaidh bho chionn choig bliadhna." "Tha e tuilleadh a' s' fad' air an leabaidh," ars' Gilleasbuig, "ach 's e ligh' che a tha annam-sa agus cha 'n 'eil fios nach dean mi feum dha." "Nach mise tha taingeil," ars' 'bhean bhochd, "blur leithid a thighinn rathad an taighe." "Cha d' thainig a dheireadh ort," ars' Gilleasbuig. "Cìod e 'tha agad anns a' phoit sin air an teine?" ars' Gilleasbuig. "Tha," ars' ise, "cearc a tha 'bruich do Iain." "Cearc!" ars' Gilleasbuig. "Na 'n toireadh tu dha cearc anns an t-suidheachadh anns an bheil e an ceart uair, bhiodh e cho marbh ri sgadan agad mu 'n ruitheadh ceithir-uairean-fichead." "Ach," ars' Gilleasbuig, "thoir thusa dheth a' chearc, agus thoir dhomh 's i agus innsidh mi dhuit a rithist cìod a ni sinn ri Iain." 'S ann mar sin a thachair. Thainig a' chearc dheth agus dh' ith Gilleasbuig air a shocair fhein i. "Seall tu 'nis," ars' Gilleasbuig, "mar a ni thu ri Iain. Tha bo agad a mach aig ceann an taighe agus laogh og aice. Beir air an laogh agus dean feannadh-builg air, agus cuir seiche an laogh air Iain, agus cuir fodh 'n bhoin e, agus mur a gabh i ris cuir a h-uile cu 's a' bhaile rithe mach air na creagan." Thog a' bhean bhochd a da laimh, agus thug i an dorus oirre dh' iarraidh dhaoine; chunnaic i gu 'n robh a duine as a' chiall. Ach ma 'n do thill i, thug an lighiche am monadh air. Ach an ceann latha no dha thill Gilleasbuig agus callach air de gach seorsa,—im, caise, cearcan agus feoil. Dh'fhag e sud aig a' chaillich air son Iain, 's cha do chuir an leigh an corr dragh oirre.

Ach feumaidh sinn ar cead a ghabhail do Ghilleasbuig aig an am so. Ge b'e ionad anns am bheil a chomhnuidh tha dochas agam gu 'm bheil e sona. Tha mi creidsinn gu 'm bi iomadh latha agus linn mu 'm bi gaire subhach, sunndach luchd-aiteachaidh Eilean-a'-cheo air a dhusgadh le a leithid a rithist.

LEIGHEAS AIR CASADICH.—Chan eil leigheas ann ann sam bheil uiread leighis sa th'ann an Dr. Wood's Norway Pine Syrup. Chan eil casadich, enatan, cuing, tuchadh, cuing no enslaint dhe 'n t-seorsa sin ann air nach toir e buaidh gu h-eal-amb.

Tha Dr. Buchanan air beulaobh an luchd-ceartis 'an New York air an t-seachdain so air a choireachadh air son bas a mhaa. Tha e air fhagail air gun do phuinnseanich e i air son a faighinn as an rathad, oir bha toil aige te eile phosadh, rud a rinn a beagan uine 'n deigh a bais. Bha aireamh fhianisean air an ceasnachadh agus bha cuid dhiubh gle laidir na aghidh. Air reir a h-uile coltais theid an gnothach gu math searbh na aghidh aig a cheann mu dheireadh, ach tha e tuilleadh us trath san latha fhathast gu fhios ceart a bhi air de bhreith a de'fhaodas a bhi air a thoirt air. Tha e air a radh gu bheil an dotair ga ghiulain fhein ann an tigh-na-curtach mar gum biodh e caoin-shuar, ach mu na tha dol air adhart no de a chrioach a thig air a chas.

CARAID AN AM FEUMA. Tha caraide an am feuma aig gach aon aig am bheil botull de Flagyard's Yellow Oil faisg air laimh air son bruthidhean, gearridhean, losgadh no ni dhe 'n t-seorsa sin, loine amhach-ghoirt &c.

A. J. PEUTAN,

FEAR-ADHLACIDH.

CISTEACHAN-LAIDHE BHO \$2.00 GU \$90.00.

Anart us Lion-aodach dhe gach seorsa, Deiseachan-Donna, Curraican, Lamhannan, Stocainnan, Gleus Airgid air son chisteachan, &c., &c.

Carbad-Mairbh aig laimh Daonnan.

Ma tha dealbh mhath a dhith ort ruig

UILLEAM W. DILLON, SIDNI, C. B.

Bi' dh e toileach feitheamh ort uair sam bith a thig tha. Dealbhan beaga air am meudachadh agus air an deanamh cheart cho boidheach.

Sgathain agus gloine uinneag air a phris a's isle.

Seallaidhean air Ceap Breatuinn air laimh an comhnuidh 's air an reic gu saor.

TAGHAIL AIG

Aonghas Domhnullach,

CEANNAICHE,

SIDNI, - - - C. B.

Tha Flur, Min, Siucar, Ti, Tombac, Ceirce, Feur, agus iomadh ni eile aige.

RIPN REIC SAOR

COINNEACH ODHAR.

Dh'orduich a' Bhan Iarla Coinneach a ghlaicadh a cheangal, eadar lamhan us chasan, agus a ghiulan gu Rugha na Cananaich, far an do thilgeadh e an coinneamh a chinn ann am baraille tearra bha dearg-losgadh, agus, aig an robh a thaobh a staigh lan spicean fada iariunn, biorach geur, a bhuaileadh troimhe bho'n taobh miugh. Rinneadh an ni eagalach so le tighdaras Easbuig Rois, agus cleir na E-aglais Easbuigich, a bha air a suidheachadh aig an am ud, mar Eaglais na Rìoghachd an Albainn, le Rìgh Tearlach a Dha. Air an dearbh latha air an do chuireadh Coinneach air falbh bho Chaisteal Bhrathairinn thainig Iarla Shi-phort dachaidh as an Fhraing, agus dh'innis iad da air ball an ri a rian a' Bhan Mhorair mu Choinneach, agus gun robh e nis air a thurus a dh'ionnsuidh na Cananaich le ordugh na Cleire gu bi air a losgadh. Bha deagh fhios aig a' Mhorair air nadur dioghaltach ain-iochdmhor na Ban-Iarla. Chreid a gun robh an sgeula fìor, seadh tuilleadh us fìor. Cha d'iarr 's cha do ghabh a biadh no deoch, cha do ghairm e air sgalaig no gille-stapuill, ach chiadh e fhein le cabhaig a dh-ionnsuidh an stapuill, chuir e diollaid air an each a b'fhearr a bha 'na ghreigh, leum e air a mhuin, agus dh'fhalbh e leis an each 'na dheannsruidh, 'g a ghreasad cho luath 's a b'urrainn da, an duil gun ruigeadh e Rugha na Cananaich, mun rachadh an t-innleachd diabhlaidh a dheilbh a Bhan-Iarla agus a' chleir Easbuigeach a chuir gu buil, cha do mharcaich Iarla Shi-phort riamh roimhe cho luath no cho dian. Ann am beagan uine bha e am fagus do'n Chananaich, agus chumaic e smuid dhubh thugh ag eirigh suas bho'n Rugha gu h-ìosal. Thainig gairisinn na fheoil, bhruichd am fallus fuar a mach troimh a chorp, chuir e spuir ris an each a bha cheana an impis toirt thairis, a chum gun ruigeadh e an t-aite bais, gu beatha an fhiosaiche a shabhaladh. Mar uighe beagan shlat bho'n aite far an robh an smuid ag eirigh thuit an t-each air an lar agus thug e suas an deoir cha b'urrainn da a' chruaidh-spairn a sheasamh na b'fhaide leis mar a bha an t-Iarla 'ga chur thuige 's ga sporadh air adhart. Nuair a chaill e an t-each ruith an t-Iarla gu dian air a' chois, ag eigheach a mach le airde a ghuth, ris an t-sluagh a bha cruinn air an Rugha, iad a thear-nadh beatha an fhiosaiche. Ach mo thruaighe bha e tuilleadh us anmoch. Cia dhiu a chuala no nach cuala an sluagh glaothaich ard an Iarla, bha Coinneach Odhar air a thilgeadh anns a' bharaille loisgeach, beagan mhionaidean mun do rainig Iarla Shi-phort an t-aite gus a' seas-airginn.

Air an doigh so chriochnaicheadh beatha an fhiosaiche, agus cha'n 'eil e celtach gun rachadh an sgeula ud a dhealbh mu

bhas mur tachradh an ni mar a chaidh aithris. Nan d'fhuair Coinneach bas nadurra 'na leabaidh, cha ghabh e creidsinn gun rachadh an sgeula truagh ud a dheilbh no chur air chois. Ach ciod a their sinn mu luchd-dreuchd Eaglais a' tìug gnuis da leithid sud de ghuimh oillteil, agus a dh'aontaich ris. Bha iad air son a' Bhan-Iarla a thoileachadh gu cinnteach, ach anns na linnibh dorcha sin bha e 'na chleachdadh a bhi losgadh nam buitseach agus nam fiosaichean, agus is iomadh creutair truagh a chuireadh gu bas fo'n chuis-dhitidh so, aig nach robh tuilleadh buitseachd na tha aig an lair ghlais.

Bheir sinn cunntas a nise mar a thainig faisneachd Choinnich Uidhir gu teachd mu thimchioll teaghlaich Iarla Shi-phort, faisg air ciad gu leth bliadhna an deigh bhi air a labhairt. Ach fagaidh sinn gu aireamh eile an ni so.

D. B. B.

(Tuilleadh.)

AN AMHINN DHEARG.—'Se amhinn dhearg na beatha 'n fhuil, celtach ri aimhnichean eile chan eil a dhith oirre ach B. B. B. gus a glanadh gu h-ìomlan agus a bheir air falbh gach droch ni a tha leantuian na lorg.


BAIS.

Aig Raddeck, an 17mh la dhe'n Mhart, Cathra Nic Rath, bean Dhomhuill 'le Rath us nigean Iain Mhathanich, Hogameh. Bha i 26 bliadhna dh'aois.

Aig Taobh Deas nan Narrows Bheaga an 5mh la dhe'n Mhart, Iain F. MacLeoid, 71 bliadhna dh'aois. Rugadh e ann an Leodhas, an 1822 agus thainig e do'n dùthich so an 1841. Dh'fheg e bean us ceathrar chloinne.

Na gabh purgaid air son droch stamag a leigheas.

Cha phurgaid idir



Glanidh agus neartichidh e an stamag gun lagachadh sam bith a dheanamh.

Feuch K. D. C.

Sampull a nasgidh gu neach sam bith.

K. D. C. COMPANY, LTD.

New Glasgow, N. S., Canada.

Ainmich am faipear so.

D. MAC 'ILLINNEAN,

TAILEIR,

SIDNI, - - C. B.

Aodaichean Sassunach agus Albanach dhe gach seorsa 's grinne 'sis fhearr, a feitheamh ri'n cur gu feum. Duine sam bita a dh' fhasas a thomhas aig Mae 'Illinnean, bidh e cinnteach a deise cho cumadail 's cho fasanta 'sa gheibhear an aite sam bith.

Taghail aig Stor

MATHESON, TOWNSEND
& CO.,

agus faic na tha aca de

Bhathar de gach seorsa,

agus e ri reic gu saor.

Math ar Duthcha tha 'nar beachd.

FAIC SO.

Tha sinn a cumail uan Amhlan a's fhearr ann an Sidni 's tha sinn 'g an reic na's saoire na neach sum bith eile. Tha 'm Flur aginn leth dolar na's saoire na gheibhear aig aon sam bith 'sa bhaile. Tha ar Ti ro mhath agus gle shaoi; tha gach ni air a reic aig a phris a's isle.

Reicidh sinn Flur, Min, no bathar sam bith air son Im aig pris airgid.

Taghail aginn nuair a thig thu do'n bhaile agus faic ar Brogan,—an cunnradh a's fhearr a ghabhas faotinn.

C. H. HARRINGTON & CO.
Sidni, C. B.

COMHRADH.

"De'n uair a tha e?"

"Tha e coig mionaidean an deigh tri.

"Ciamar a tha fios agad?"

"Nach do sheall mi air m' uaireadear."

"Dh'fhaoidte gu bheil an t-uaireadear sin ro-luath."

"Cha'n eil e luath no mall riamh on a chaidh a chuir air doigh mu'n am so 'n uiridh. Bha e roimhe sin cho mi dheigheal 'sa bha 'leithid riamh, air aon spoig, 'ee cho gliogach 's nach b' urrainn dhomh feum sam bith a dheanamh dheth. Ach an drasda 'se uaireadear cho math sa tha 'san duthaich."

"Co 'charaich e?"

"O, nach be cheist e! Charaich

GUZZWELL & RHODES,

ann an Sidni, feadhainn da m' b'athne charadh."